



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

V. Disputatur de Ebraicis Ecclesiastici editionibus.

urn:nbn:de:hbz:466:1-16260

biorum, ita & Ben-Siræ Proverbia circumferuntur. Nec sententiam hanc elevat quod
oppontunt quidam, disconvenire nomina; illum quippe **בֶּן־סִירָה**, hunc
vero appellari; illum existimari nepotem Jesu, qui fuit Iosefici filius; hunc
vero filium Jeremias, ut est in Lekute, sive Collectanea R. Joh. Levi: denique quia
in libro Ben-Sira sunt *fascinationes*, *vcl illusiones*, *ex faciei concisione*, ipsius lectionem de-
creto Thalmudis ejusdem interdici. Nam quod ad nominis discrepantiam pertinet;
permutari facile ejusdem instrumenta literas Grammatici sciunt. Utriusque vero ignoran-
tibus prosapia est; falsa etiam & incepta, quæ Sirachidae affingitur. Quomodo enim ne-
pos Jesu Iosefide esse potuit, quod vult Isidorus, qui totis trecentis annis eo recen-
tior fuit? Suspecta vero & valde dubia, qua tribuitur Ben-Sira, cum Jeremias per ma-
trem nepos fuisse dicitur; nam si id ita esset, major ejus foret utique apud sequentes
Scriptores celebritas & fides. Porro vitatum in multis fuisse Ben-Siræ librum, etiam
ante Thalmudis compositionem existimo, multaque in eum inserta quo Thalmuditis
Magistris probari non potuerint. R. David Ganz in **צְמַח דָּוִד** hoc Thalmudis inter-
dictum sic exponit, ut veritum usum libri Ben-Sira velit, non quod perniciose res &
malas, sed quod excellentes & sublimes contineat, quarum lubrica est & periculosa
inquisitio. Sententiam Davidis istius adjuvat ipsum Thalmud, quod in Baba Cama,
capite Hachobel, librum Ben-Sira in Hagiographorum classem conicit. Hagiographa
intellige, non ea quæ proprie & **נָאָרֵת לְזֹבְעָלָם** appellabant Ebrai, & Spiritus
sancti afflata scripta esse docebant, sed inferioris generis, eorum nempe quæ per
בַּת קַיִל dictata erant: cujusmodi creditos fuisse diximus libros Tobias & Judith.

Sententia igitur nostra hæc est: cum scriptiōnem suam Ebraice excudisset Sirachides, ut pote Hierosolymita, idque ut videtur Hierosolymis, ea deinde usos esse Hiero-
solymitas Judeos, & qui in Syria partibus degebant, ac multis descriptis exemplari-
bus ad posteros propagasse: verum tractu temporis multa à Scribis & Rabbiniis, mul-
ta à Librariis mutata, detracta, adjecta esse, quod in Libro **אֲגַדּוֹת** id sibi licere cen-
serent; tandemque in eum quem habemus ordinem per literarum seriem, memoria fortasse causâ, esse digestum. Nec enim assertor Paulo Fagio, qui factum id a Ben-Sira
ipso asseverat. In Palæstinam cum subinde venisset Hieronymus, exemplaria illuc vul-
gata, ac jam adulterata nactum esse reor. Vitiata quoque venerunt in manus Thalmu-
distarum. At cum Græcam Libri ejusdem interpretationem in Ægypto elaborasset Jo-
sephus Uziliades, Sirachidae, sive Ben-Sira nepos, & Hellenistis communicasset, credi-
bile est argumenti gravitate, & dignitate operis permotus, id inter sacros Libros repro-
fuisse. Quod demum Ecclesia Christi ab iis traditum cum reliquis Codicibus sanctis, am-
bigue fuit aliquandiu auctoritatis, cum hinc admitteretur in Canonem ab Hellenistis,
inde à Judeis secluderetur; quoad Ecclesiæ demum Christiana consensu ac decretis au-
toritatem adeptum est. Itaque valde dispar exemplaris & interpretationis fors fuit, cum ea
attentare quicquam nefas duxerint Hellenistæ, nihilque prorsus mutaverint: cum id
Judei interpolaverint ad libitum, & recoxerint. Inde nata hæc quæ nunc est Ecclesia-
sticum inter & Proverbia Ben-Siræ discrepantia.

V. Dixi Ebraico primum sermone compositum fuisse Librum hunc. Id atque clare *Disputatur de Ebraicis Ecclesiasticis editionibus.*
testatur Prologus, Ebraica lingua scriptum vidisse se Hieronymus asseverat. Munsterus quoque, sacrarum literarum apprime peritus, accepisse se narrat, Judæos Constantino-
politanos Ecclesiasticum Ebraico sermonem conceptum, itidem ut librum Tobias, typis
vulgasse. Paulus Fagius, in iisdem studiis subactus, ex viris fide dignis audiisse se ait, Ec-
clesiasticum Ebraicum in Bibliotheca quadam extare. Verum merito dubitari potest,
ipsumne hoc sit Jesu Sirachida archetypum Ebraicum, an Ebraica interpretatio e Gra-
co profecta. Mihi probabile viderur, quod dixi, Ebraicum Sirachida exemplar, sed
jam vitatum, in manus Hieronymi & Thalmudistarum venisse, novaque subinde labes
passum ad sequentiæ Rabbinos sub Ben-Sira nomine fuisse transmissum. At de exem-
plaribus Ebraicis Munstero & Fagio memoratis alia mihi suspicio est: facile quippe cre-
diderim ex Graeco fuisse conversa, quod in libro Tobias factum dixi; apprime siquidem
nota illis erant Proverbia Ben-Sira. Antiquissimum eorum exemplar Constantinopoli
impressum, penes Munsterum fuisse docet nos Buxtorfius in Bibliotheca Rabbinica. *Buxtorf. in Bibl. Rabb. in*
Eadem vero Ioseph edidit Paulus Fagius. Cum ergo operis hujus & Ecclesiastici discri-
men probe cognoscerent, minime putandum est falsos in eo delusisque esse, sed po-
tius re attente explorata caute ea distinxisse. Sed hæc proposita tantum à me sunt,
non definita.

VI. Cæterum Libro huic à sacris sequentium temporum Scriptoribus suis honos *Probatur*
habitus est, ex coequo deponente occurunt non paucæ in Novo Testamento senten-
tiae. Cujusmodi illa est Johannis: *Si quis diligit me, sermonem meum servabit: quæ ger-* *& antiqui-*

C c ij